

Bon investigacion por conduci na motibo di tanto proyecto

Caso Namdar ta keda e reto grandi pa Ministerio Publico

Gobernantenan mester worde investiga den e caso aki

ORANJESTAD(AAN)— Un Miyon a worde priminti den un carta, cu ta describi e proyecto cu a worde desaroya pa waf. Esaki DIARIO a mantene semper como e centro di cualquier investigacion entorno di e caso Namdar. Den e caso aki mester investiga e accionnan di Gobierno y e promesa di pago di un Miyon. Un investigacion di hechos ta mustra cu Caso Namdar pot habri porta pa splica e motibo di construccion di tanto proyecto na Aruba.

E caso di Namdar ta un oportunidad unico pa pone orden na Aruba. E hechonan den e caso aki ta, cu a worde ofreci Un Miyon Dollar na gobernantenan si nan cumpli cu e deseonan di Namdar y su grupo.

E deseo tabata pa haya terenonan grandi ariba waf pa desaroya un proyecto biyonario. Hecho ta cu na un manera excepcional a worde actua door di gobierno door di percura pa APA NV haya e terenonan cu Namdar c.s. tabata desea.

Hecho ta tambe cu e ministronan tabata gaba cu lo worde firma un acuerdo cu lo pone un proyecto hopi grandi worde realisa na Aruba. Ta te ora cu e carta di Namdar a sali tur cos a bruha y tur e ministronan a cuminsa bula den tur direccion.

E caso di Namdar ta un oportunidad unico pa Ministerio Publico contesta hopi pregunta cu no ta haya contesta, door di usa e caso aki pa cuminsa un investigacion profundo cu mester a tuma lugha hopi tempo caba pero tabata

difficil pa Ministerio Publico cuminsa sin mas.

Esaki maske tabata bisto cu un investigacion ariba e maneho di e ministronan tabata absolutamente necesario pero naturalmente un poco difficil pa Ministerio Publico cuminsa sin mas. Caso Namdar ta obliga Ministerio Publico pa investiga e possible canal di placa cu tabatin. Esaki no mester ta solamente di Namdar pero Ministerio Publico por usa esaki pa haci un investigacion hopi mas amplio.

No tin mester di ningun

experto di polis pa mira cu tin un cantidad di proyectonan grandi andando cu ta pertenece na un cierto cantidad di inversionista di campaña di e diferente ministronan. Ora cu ya caba ta investiga e direccion di e placanan di Namdar por wak den e mesun investigacion cu tabatin mas fluho di placa grandi cu a bay den campaña cu un meta so.

E meta ta parce di tabata pa haya como recompensa di e ministro concerni e fabornan cu nan mester pa realisa na proyectonan grandi. Si mira awe kende ta e inversionistanan cu a haya fabornan grandi en cambio di e nan inversion den campaña no tin mester di tin hende super inteligente pa sa kico a pasa aki.

Ministerio Publico tin e oportunida unico pa investiga si tin motibo pa gara un paar di ministro cu ta

parce di ta corrupto te den nan higra y pone un ehempel pa den futuro esaki no sosode mas of mustra mundo cu esnan cu a kere cu e ministronan ta corrupto ta robes.

Despues di amplio investigacion a resulta cu tur cos a bay completamente segun regal, e preguntanana haya contesta.

Mirando desaroyonan na Aruba mas y mas duda tin den proyectonan pa cual no tin necesidad y pesey e caso di Namdar ta un oportunidad unico pa Ministerio Publico haci su trabao y sanea number di Aruba. Pasobra den tur dos direccion e lo ta bon pa Aruba.

Na prome lugha esaki lo mustra cu no ta solamente

contrincantenan politico ta worde persigui pero si ta necesario tambe esnan den gobierno. Si acaso resulta cu tabatin ministro cu worde haya culpable na corrupcion esaki lo mustra cu no ta haci diferencia na Aruba si ta hende den gobierno of pafor di gobierno ora malo worde haci Ministerio Publico ta actua.

Esaki lo drecha e imagen di Aruba door di kita e impresion fuerte cu tin cu ta solamente contrincantenan di e gobierno aki ta worde persigui y no ta atende denuncianan contra gobernantenan. Pesey un biaha mas Namdar ta un oportunidad unico pa investiga kico a worde haci door di kende.

TELEFONNAN DI DIARIO
582-6747- FAX 582-8551

CHINATOWN!!



BEST DEAL

Tel: 5827100

(Pariba di Aruba Bank, Paradera)

Pronkstuk di



Buda